



UNIVERSITÄTS-
BIBLIOTHEK
PADERBORN

Universitätsbibliothek Paderborn

Jacobi Usserii Armachani Annales Veteris Et Novi Testamenti

Ussher, James

Lutetiæ Parisiorum, 1673

Lectori.

urn:nbn:de:hbz:466:1-14425

LECTORI.



CENSORIVS in libello quem ad Q. Cærellium scripsit de natali die, intervalla temporum expositurus; hanc sibi Præfatiunculam præmittendam putavit. ^a Si origo Mundi in hominum notitiam venisset, inde exordium sumeremus. Et paulo post, de hoc tempore verba faciens: ^b sive habuit initium, inquit, sive semper fuit, certè quor annorum sit, non potest comprehendì. Itaque hanc Mundi epocham, ut ab hominum notitiâ quàm maximè alienam, ab Astronomicis supputationibus ita à blegat Ptolemæus, *τῶν ἀπὸ τῆς ἀνοίας ἢ τῆς μικρῆς τινὶ πολλαπλασίῳ τῆς κατὰ τὰς τυχούσας χρόνους, ἀλλοτείας φιλομαθείας τε καὶ φιλαληθείας ἠγάμεθα.* Totius mundi, aut alius multiplicis temporis observationes considerare, putamus alienum esset ab iis qui discendi & veri cognoscendi studio ducuntur, Et à gene- thliacâ suâ Mathesti, genituram illam Mundi ab Æsculapio & Anubio acceptam, Iulius Firmicus Maternus. ^c Non fuit ista genitura Mundi, inquit. Nec enim Mundus certum diem habuit ortus sui; nec aliquid interfuit eo tempore, quo Mundus divinæ mentis ac providi numinis ratione formatus est: nec eousque se intentio potuit humanæ fragilitatis extendere, ut originem Mundi facili posset ratione concipere, aut explicare.

Neque verò mirandum, homines ethnicos, sacrarum litterarum incscios de Mundi primordiis assequendis ita desperasse: quum inter ipsos Christianos, Chronographus ille celebratissimus Dionysius Petavius, suam de conditu Mundi & annorum inde ad nos numero, sententiam explicaturus, hanc primam disceptationi summam fecerit. An- norum ab orbe conditu ad hæc tempora numerum, neque certâ ratione comper- tum esse, neque citra divinam significationem posse comperiri. A cujus sententia longissimè profectò abfuit Philastrius Brixensis, ^d heresem esse notans, quæ dicit in- certum numerum esse annorum à Mundi origine, & ignorare homines curricula temporum: & Lactantius Firmianus; cujus, in divinis Institutionibus, paulò auda- cius effatum est istud. ^e Nos unos divinæ litteræ ad scientiam veritatis erudiunt, principium Mundi, finemque cognovimus. Quicquidem fiat de præteritis; futuro- rum temporum notitiam ^f Patrem in sua ipsius potestate constituisse, edocti sumus: ne que ullum omnium existere mortalium, cui totius seculi tempora sint comperta. Quò & illud Siraicidæ spectare putatur, *Ἀλλοιοὶ γὰρ λαοὶ ἄνθρωποι εἰσὶν, καὶ ἡμέτερος ἀπὸ πάντων ἐστὶν ἡμεῖς; Arenam maris, & guttas pluvie, & dies seculi, quis enumeret? quod Lyranus de præteritis temporibus dictum existimans, (quum de diebus eternitatis, hic & in cap. XV. III. 11. id interpretentur alii) haud ita rectè conclusit annos à principio Mundi non fuisse à quoquam numeratos certitudinaliter (ut ille loquitur) & præcisè.*

Qui inter Christianos (quorum ad nos pervenerunt scripta) primus, ex sacris lite- ris etatem Mundi eruere aggressus est, Theophilus episcopus Antiochenus, de totâ hæc ra- tione generatim quidem ita pronuntiat: *καὶ οὗτοι χρόνοι καὶ τὰ ἐν τῷ δέκοντῳ τοῖς βιβλοκράτοισι παρῆσαν τῇ ἀληθείᾳ.* Universum tempus & anni indicantur volentibus obtempe- rare veritati: de exquisita tamen calculi ἀκριβείᾳ, postea subjicit. *Ἡμεῖς τὸ ἀκριβὲς ἴσως ἀγνοοῦμεν ἀπάντων τῶν ἐπιπέδων ἀερίων, καὶ τὸ μὴ ἀναγινώσκοντες τὰς ἑξαεὶς βίβλους τοῖς ἑπιπέδον χροῦται μὲν αἰεὶ καὶ ἡμέτερος.* Nec nos forsitan exactè omnium annorum numerum tenemus; propterea quòd in sacris liberis non annotati sunt excurrentes menses atque dies.

Nempe quum integros annos Scriptura commemorare soleat, omisis diebus & mensi- bus, qui vel explendo anno desunt, vel supersunt expleto: dubitatio oriri posset de accu- rata summa, quæ ex ejusmodi annis inter se additis elicitur. Verùm, hoc concessò quòd rationi maximè est consentaneum, Scriptores sacros annorum numeros tantâ diligentia suis in locis consignantes, id sibi habuisse propositum, ut annorum Mundi seriem, quæ

^a Censor. cap. 20.

^b Ibid. cap. 21.

^c Ptolem. *μὲν γὰρ. συστάξ.* lib. 3.

^d Jul Firmic. *Mathesti.* lib. 3. cap. 2.

^e Petav. de doctrinâ tempor. lib. 9. cap. 2.

^f Philastr. de heres. b. c. 6. 63.

^g Lactant. lib. 17. cap. 14.

^h A. G. 1. 7. Matth. 24. 36.

ⁱ Ecclesiast. 1. 2. & ibi Nicol. Lyranus.

^k Theoph. ad Autolyt. lib. 3.

LECTORI

1 Nu. 33 3.
m 3. Reg.
6. 1.
n 1. Cor.
3. 2.

aliunde disci non poterat, nobis patefacerent: hoc (inquam) concesso, dubitationi propositæ Spiritum sanctum quantum necesse fuit providisse dicimus, quum ad singularum Periodorum, à quibus series annorum seculi dependet, singulos nexus atque terminos, tum mensis tum diei notam apposuit. Ut quum Israelita, verbi gratia, mensis 1. die 15. ex Ægypto dicantur exiisse, & m^o anno post exitum 480. mensis 2. die 2. Salomon Templum extrinere cœpisse: menses & dies, quibus uterque Periodi illius terminus est circumscriptus, ex integro illo annorum numero menses 11. & dies 14. demendos esse ostendunt; & non integros 480. sed annos tantum 479. cum diebus 16 pro dictæ Periodi spatio esse assumendos.

Tempus Astronomicum à primo creationis puncto ad principium æræ Christianæ exactum, qui se dare nobis posse promittunt, favore mihi digni videntur magis quàm laude; quia majus quid ingenio humano moliantur: ait, qui inter nostrorum novissimos tempus ab orbe condito usque ad Christum ex Scripturis sacris numerare aggressus est, David Pareus. Itaque relicto tempore Astronomico, ad politicum Hebræorum, Ægyptiorum & Persarum tempus, velut ad δεικτικόν τῆς ἐξουσίας, hic recepisse se dicit. Verum si quid ego hic video, ad rei summam nihil omnino interest, quàm mensuram in Seculi curriculo dimittendo quis utatur; modo nota ea sit, & certo dierum numero terminata. Et si per equabilem aliquam annorum mensuram, distantiam inter Mundi primordia & Christi tempora interpositam, cum D. Pareo definire quis poterit: absque ulla Astronomicarum tabularum adminiculo, quot numero æquinoctia in eo intervallo contigerint, eidem facillimum quoque fuerit statuere. Temporis autem ab æquinoctio ad idem æquinoctium in anno quocumque politico notata revolutio, quid aliud est quàm annus naturalis & verè Astronomicus?

Quod si quis ad ista studia, non modò sacræ & exoticæ Historiæ cognitione, sed etiam aliquantùm Astronomici calculi & Veteris Kalendarii Hebræici notitiâ instructus accesserit: ut is non annorum tantum, sed etiam dierum inter ἀλλήλων, sed non inter ἀδελφάτων ponendum censeo. Per retrogradam certè supputationem ad ipsum primum Mundi diem posse pervenire, ita nos magnus docuit Basiliius. Ὁ ἀπὸ τῆς ἀρχῆς ἡμετέρας ἕως τῆς κτίσεως τοῦ κόσμου τῆς ἐκείνης διαστάσεως οὐκ ἔστιν ἔτι τῶν παρῶν ἡμετέρας τῶν ἀποστόλων καὶ τῶν ἀποστόλων ἐπιπέσει τῶν ἀποστόλων ἡμετέρας τῆς κτίσεως γενεῶν. εὐφραδὴς δὲ ἦσθε τοῦτο τῶν ἀποστόλων κτίσεως. Discere utique possis quo primum tempore constiterit Mundi origo: si ex hodierno die ad superiores retrogressus ætates, primum Mundi conditi diem invenire studiosè contenderis. Hoc enim pacto invenies, unde prima motio accesserit tempori.

Cum autem variis seculis, & apud varias gentes, variæ extiterint temporum epoche atque variæ annorum forma: communis aliqua & nota mensura necessariò hic est assumenda, ad quam reliquarum omnium illa diversitas commodissimè reduci possit. Nobis verò nulla mensura notior, neque ad communem temporum collationem accommodatior est quàm annorum mensuram Julianorum formula, à media nocte, Kalendaris Ianuariæ anni primi vulgaris æræ Christianæ inchoante, deducta: cum tribus illis cyclis, quibus conjunctis annus unusquisque ab aliis quicumque fuerunt omnibus distinguitur; Romana nimirum Indictione annorum 15. Cyclo Lunari sive Aureo numero annorum 19. & Cyclo Solari (diei Solis sive Dominicæ indice) annorum 28. periodum complectente. Neque enim aut certius quicquam nobis est, aut notius, quàm numerari hodie annum (non dico, veri Natalis Christi, qui inter doctos controversus est, sed) vulgaris æræ Christianæ MDC L., Romane Indictionis 3. Lunari Cycli 17. & Cycli Solaris 7. characteribus insignitum.

Quando quidem verò Christiana hæc nostra epacha primordio Mundi multis seculis est posterior, & retrograda annorum ante eam numeratio tum molestior est, tum errorum etiam (nisi major attentio adhibeatur) admodum obnoxia: receptissima illi hypothese, quæ annos Julianos cum tribus suis cyclis ἀποδίδει quædam Mathematicâ ad ipsa Mundi initia decurrisse ponit, artificialem quoque epocham, ex tribus istis Cyclis in se multiplicatis conflaram, recentioribus nostris Chronographis placuit adjicere. Solari enim Cyclo in Lunarem ducto, sive numero 28. per 19. multiplicato, magnus Cyclo Paschalis prodit annorum 532. eoque rursus per 15. Indictionis numerum multiplicato, emergit annorum 7980. Periodus, à Roberto Lotharigo Herefordensi in Britannia nostra episcopo primum (ni fallor) notata, & post 500. annos à Iosepho Scaligero Chronologicis usibus adaptata, & Periodi Julianæ nomine, quod totidem Julianorum annorum Cyclum contineret, nuncupata. Quod si retrorsum à præsentis anno trium minorum cyclorum series in tempora anteriora extendatur; 4713.

o Basil. in
Hexæ-
mer. ho-
mil. 1.

ante

LECTORI.

ante initium *eræ nostræ Christianæ* annus, ille esse deprehendetur, in quem & Indictionis 1. & Cycli Lunaris 1. & Cycli Solaris 1. concursus recidet. In Kalendis igitur Ianuariis proleptici illius anni capite hujus Periodi constituto, annus vulgaris *eræ Christianæ* primus, Periodi Iulianæ 4714. erit numerandus: qui per 15. 19. & 28. divisus, Indictionem Romanam 4. Cyclum Lunarem 2. & Solarem 10. notissimos illius anni characteres exhibet.

Primorum Patrum, veterumque Ægyptiorum & Hebræorum annus, ejusdem cum Iuliano quantitatis fuisse reperitur, sed ex mensibus 12. aequalibus dierum 30. constans (Hebræos enim ante Babylonicam captivitatem Lunaribus mensibus fuisse usos, probari non potest) dierum $\pi\alpha\alpha\gamma\upsilon\epsilon\omega\upsilon$ 5. & quarto quoque anno 6. ad 12. mensis finem adjectâ appendicula. Ex hujusmodi annorum continua serie in sacris litteris traditâ, in annum Mundi 3442. ex Chaldaica vero Historiâ & Astronomici Canonis collatione, in annum Nabonassari 186. & cum eo coherentem nexu certissimo annum ante *eræ Christianam* 562. Iulianæ Periodi 4152. magni Nabuchadnesaris exitum & regni Evilmerodachi filii ejus initium incurrisse animadverti: indeque sub finem anni Periodi Iulianæ 710. Mundum conditum fuisse collegi; posito nimirum in Autumnum creationis rerum exordio: Quandoquidem verò cum vespere primæ diei septimanæ primus seculi dies est inchoatus: feriam primam, quæ in anno illo 710. ad Autumnale æquinoctium accessit proximè, ex Astronomicis Tabulis (non obstante Solis vel statione in diebus Iosue, vel retrocessione in diebus Ezechie) in 23. Octobris Iuliani diem incurrisse, observavi, indeque à vespere illum Iuliani anni diem antecedente, & $\pi\pi\alpha\tau\alpha\chi\iota\upsilon\tau\epsilon\upsilon$ n. 4842, & primum temporis motum deducendum fuisse, conclusi.

Basilianâ igitur illa $\pi\alpha\delta\upsilon\sigma\upsilon\alpha$ perplexis Chronologorum difficultatibus tandem superatis, in hanc concessi sententiam; à vespere primum Mundi diem aperiente ad mediam noctem primum Christianæ *eræ* diem inchoantem, annos fluxisse 4003. dies 70 & horas temporarias 6. verumque Christi Domini natalem, quadriennio toto (quod mortis Herodis tempus demonstrat) vulgaris *eræ Christianæ* principio anteriorem extitisse. Iuxta rationes enim nostras, & Salomonici Templi structura 3000. Mundi anno est absolutâ; & 4000. Mundi anno, impletis diebus quibus Virgo $\pi\epsilon\sigma\tau\epsilon\upsilon$ erat paritura, Christus in perfectâ carne, cujus Templum fuerat δ typpus, hominibus primum apparuit & manifestatus est. Vnde ad annos *eræ Christianæ* 4. additis, & ab annis ante eandem totidem detractis; pro communi & vulgatâ, vera & germana obtinebitur Nativitatis epocha.

Ista, ad quæ nunc digitem intendo tantum, plenius deinceps, volente Deo, confirmabuntur in Sacra Chronologiâ; quam, simulcum tractatu de Anno primitivo & veterum Hebræorum Calendario, edere mihi in animo est. Interim Veteris Testamenti Annales, fundamentis ibi positis superstructos, in lucem edere visum fuit; cum rerum exterarum in Asia & Ægypto ab Olympiadum initio gestarum Chronico; ad specialem Græcorum & Romanorum historiam eis potissimum sepositis, quæ in Græcia (ad quam & Rhodum & insulas inter Europam & Asiam positas refero) atque Occidentis partibus actæ memorantur.

In sacris Historiis repræsentandis, Tremellii & Iunii Latinam versionem (cum suis quoque Hebræis) & capitum Summaria, sum secutus; in exteris exprimendis, ipsorum authorum veterum vel optimorum eorumdem ex Græco interpretum verbis sum usus; & nominatim Jacobi Dalechampy in Athenæo, licet in capitulorum notatione ad Natalis Comitæ editionem hic respexerim. Ex hisce verò historias aut contraxi ipse, aut à Codomano, Capello, Emmio, Pezelio, Ebero, Saliano, vel alio quoque qui ad manum aderat Chronographo, contractas desumpsit, sic tamen, ut ipsi primorum authorum fontes (quorum à me loca studiosè sunt annotata) semper mihi obversarentur ante oculos. Temporum enim rectæ dispositioni unice intentus, de verbis aliorum mutandis (quod præstare fuisset facilimum, si tanti res esse videretur) parùm fui sollicitus.

Cumque ex magnâ Historicorum turbâ qui Iulij Cæsaris ætatem antecesserunt, quatuor tantum ævi injuria reliquos nobis fecerit, Herodotum, Thucydidem, Xenophontem, Polybium (eumque maximâ sui parte mutilum; horum ut antiquissimorum, potissimam rationem habui; eorumque autoritate fretus, crebros Diodori Siculi anachronismos emendavi: in rebus verò Alexandri Magni (quas illi non attigerunt) non Diodoro solum sed Curtio etiam & Arriano novam aliunde temporum lucem mutuari conatus sum. Primæ quatuor Alphabeti literæ, ad annos mundi appositæ, annorum ineuntium, currentium, & desinentium sunt indices: autumnali seu primo anni quadrante per a, brumali per b, verno per c, æstivo per d designato. Reliqua prudens lector ipse per se intelliget; quem hisce frui cupio, & valere, Lond. 13. Kal. Julias, Julianas; anno vulgaris *eræ Christianæ* 1650. à vero Domini Natali, 1654.

¶ Vide An-
nales no-
stros anno
Mundi
3553. d. &
3291. c.

¶ Luc. 1. 6.

¶ Iohan.
2. 21.

DE